

Cronica di buelo inaugural di Tiara Air pa Riohacha na Colombia



Delegacion di Aruba cu a biaha pa Riohacha, Colombia



Obispo di Riohacha e bendiona e avion di Tiara Air.



Alcalde de Riohacha, sr. Curiel y su casa hunto cu sr. Alejandro Muyale, y sr. Byron Boekhoudt.



D.r.p.d. Vice-Ministro di Turismo di Colombia, sr. Oscar Ruedas, Gobernador di Guajira, sr. Jorge Perez Bernier y Alcalde di Riohacha, sr. Curiel.

ORANJESTAD — Diasabra ultimo un delegacion grandi casi 30 persona a forma parti di e buelo inaugural cu Tiara Air a realisa na e ciudad Colombiano di Riohacha. Den e delegacion aki a forma parti e.o. sr. Camilo y Alejandro Muyale y demas personal di Tiara Air; sra. Miriam Dabian di Oficina di Turismo di Aruba, sr. Byron Boekhoudt di

departamento di Cultura, sr. Adi Maduro di Aeronautica Civil, e linguista sr. Ramon Todd-Dandare, Miss Aruba, srta. Diane Croes, y un grupo di prensa masha entusiasma cu a bai cubri e prome buelo di Tiara Air pa Colombia.

Tabata un emocion grandi ora cu pa 11:45 am a ser anuncia cu e buelo 1231 di Tiara Air lo bay sali

cu destino Riohacha, algo cu t a b a t a un soño cu a bira realidad pa hopi di nan cu tin laso familiar cu Riohacha. Pa 12:05 di merdia e avion tipo Shorts SD 3-60 di fabricacion Ingles a lanta buelo cu destino Riohacha.

E expectativa tabata grandi cerca tur esnan cu a forma parti di e buelo historico aki, ya cu esaki tabata e prome buelo di Tiara Air pa Colombia, y esaki tabata e prome buelo cu aeropuerto Almirante Padilla di Riohacha

a ricibi den su categoria nobo di aeropuerto internacional. Despues di 25 minuut cu e avion a lanta for di airport Reina Beatrix, capitan di e buelo inaugural aki a anuncia cu e avion ya tabata bulando riba



Durante e conferencia di prensa cu a tuma lugar na Centro di Eventonan "Arrecifes".



Intercambio di regalo entre Gobernador di Guajira, y sres. Camilo y Alejandro Muyale di Tiara Air.

Continuacion di A/23*Delegacion di Aruba hunto cu e indjannan Wayuu.**E “Malecon” na Riohacha.**E linguista Ramon Todd-Dandare hunto cu su omo sr. Quintero. Na man drechi sr. Ruben Garcia ta puntra pa su famia di “Calle Ancha”.*

teritorio Colombiano. Un buelo masha placentero cu a tarda un 1 y 10 minuut pa teriza riba pista di e ciudad Riohacha, capital di departamento di Guajira.

RIOHACHA

Riohacha ta un ciudad colonial situa parti Noord di Colombia cu a ser funda pa e conquistador Aleman Nicolas de Federman. Na yegada na Riohacha e recibimento tabata uno sublime. E prome autoridadnan di nacional y regional, entre otro vice-ministro di Turismo, sr. Oscar Ruedas, Gobernador di Guajira, sr Jorge Perez Benier y Alcalde di Riohacha sr. Curiel, y demas representantenan di gobierno regional, a duna un caluroso bon bini na e delegacion di Aruba cu ritmo di “Papayera”.

Un rato despues Obispo di Riohacha a bendiciona e prome buelo di Tiara Air na Riohacha caminda el a pidi Señor Todo Poderoso drama su bendicion y proteccion riba e avion y tur pasahero cu ta bula cu Tiara Air. Na airport internacional Almirante Padilla, kende tabata un heroe historico cu a nace cerca di Riohacha y cu a logra un victoria naval crucial pa emansipacion di Colombia for di yugo Spanjo, e miembronan di e delegacion a ricibi un tas cu un variedad di souvenir tipico di e region aki.

Unabes cu esaki a culmina e delegacion a ser translada na Centro di Eventonan “Arrecifes” unda a tuma lugar un conferencia di prensa cu e autoridad local di Riohacha, y miembronan di e

delegacion di Aruba e.o. gerente di Tiara Air sr. Muyale, sra. Miriam Dabian di ATA, etc... Despues e comite di bonbini na Riohacha a ofrece un dushi almuerzo na nan bishitantenan di Aruba, caminda prome cu esaki a tuma lugar un intercambio di obsequio entre Gobernador y Alcalde cu sr. Alejandro Muyale di Tiara Air, y vice versa.

TOUR NA RIOHACHA

Despues miembronan di prensa a provecha pa bishita algun punto di interes turistico di e ciudad di Riohacha, entre nan e “Malecón” unda ta situa e hotelnan, restaurantnan, sitionan nocturno te hasta un casino. E tour aki a wordo haci danki na e hospitalidad di dos Riohachero masha amabel y servicial, sr. Angel Roys di e Fondo Mixto di Promocion di Cultura y Arte di Guajira; y sr. Miguel Angel Lopez, ex-director di Oficina di Cultura na Riohacha.

Den e tour breve aki personanan conoci di nos comunidad manera e linguista sr. Ramon Todd-Dandare a tene oportunidad di bishita un omo di dje, sr. Quintero. E tabata un encuentro hopi emocional ya cu nan tabatin casi 15 aña sin mira otro. E locutor sr. Ruben Garcia tambe a haya check di conoce e famoso “Calle Ancha”, caminda su difunto mama a nace. E coordinador di Bon Dia Aruba, sr. Benjamin Romero, tambe a topa cu algun familiar di dje. E tabata algo tremendo y bunita ya cu hopi Arubiano tin lasonan familiar cu Riohacha of nan rais ta bin for di e ciudad hospitalario aki.

ENCUENTRO CU E INDJANAN WAYUU

Despues tur esnan presente a bishita un “rancheria” cu ta e habitat unda e Indjan Guajiro of “Wayuu” ta biba. Eina e delegacion di Aruba por a tene contacto cu e nativonan di e region aki cu a baila e “Chicha Maya” un danza cu tambu tipico di nan. Den e danza aki e indjan

*Sr. Raymond Maduro hunto cu un Indjan Guajiro**Grupo di prensa ta bebe un cerbes bon friu ya cu tabatin hopi calor na Riohacha.**Alejandro Muyale a muestra su habilidad riba e danza di “Chicha Maya”.*

muher ta muestra cu nan tin e poder, ya cu nan ta un comunidad “matrialcal”, caminda e hende muher ta manda. Den e baile aki sr. Raymond Maduro y sr. Alejandro Muyale a muestra su habilidad pa baila “Chicha Maya”, pero finalmente nan no por a wanta mas ya cu “muher ta manda mundo”; y na Guajira e no ta un excepcion tampoco. Tur hende presente tabata oportunidad di cumpra algun artesanía traha pa e comunidad Indjan aki.

E lugar aki conoci como “Rancheria” ta un proyecto di “etno-turismo” caminda e bishitantenan tin oportunidad di comparti y conoce di cerca e cultura di e pueblo Indja Wayuu. Eina nan por disfruta di e cuminda di e indjannan manera e “Friche” of e bebida traha a base di maishi conoci como “Chicha”. Tin chosa cu hamacanan pa esnan cu lo desea di keda un anochi cerca nan. Un proyecto masha interesante pa esnan cu ta gusta cultura y antropologia.

NO UN AYO SINO UN TE DESPUES

Despues di e experiencia unico aki cu e indjan Guajiro, e delegacion a sali directamente pa airport di Riohacha, unda tur cos tabata cla pa e buelo di Tiara Air por a sali rumbo pa Aruba bek.

Pa tur e delegacion cu a bai den e buelo inaugural aki di Tiara Air pa Riohacha, Colombia, esaki tabata un experiencia inolvidable y intenso cu a ser biba den un lapso cortico di tempo. Si e buelo pa bin Colombia a tarda un ora y diescinco minuut pa yega Riohacha; e buelo di regreso pa Aruba tabata mas cortico di casi un ora.

Pues e conclusion di tur esnan cu a participa di e buelo historico aki di Tiara Air pa Colombia ta, cu esaki mester wordo ripiti... pero pa keda mas tempo. Tiara Air ta ofrece e buelo aki tur diamars y diasabra na un prijs special di introduccion di apenas 200 dollar. Ban provecha!!!

*Miss Aruba Diane Croes hunto cu un indjan Guajiro*